



## AUTORSKE NOVINE

*decembar/prosinac 2014.*

### SADRŽAJ:

- **U Zagrebu održan sastanak delegacija AMUS-a i HDS-a**
- **Potpisan ugovor sa Ministarstvom kulture i sporta FBiH**
- **AMUS potpisao ugovore o zastupanju sa Kanadom i Rumunijom**

### **U Zagrebu održan sastanak delegacija AMUS-a i HDS-a**

Članovi delegacije AMUS-a koju su činili članovi Upravnog odbora Maja Sar i Davor Sučić, te Sekretar AMUS-a Samir Mujagić, boravili su u Zagrebu na poziv Glavnog tajnika HDS-a Antuna Tomislava Šabana. Delegaciju HDS-a su, pored Glavnog tajnika, činili i potpredsjednik Predsjedništva Ante Pecotić, te zamjenik Glavnog tajnika, Darko Bakić. Na sastanku se, uz srdačnu dobrodošlicu organizatora i pozitivnu radnu atmosferu, razgovaralo o važnim pitanjima i načinima saradnje između naših udruženja. Domaćini su, na samom početku, dali podršku AMUS-u i najavili potrebu za jačanjem partnerskih odnosa kroz saradnju u regionu ali i u

institucijama evropskih i svjetskih asocijacija kao što su ECSA i CISAC. U radnom dijelu sastanka predstavili su nam strukturu HDS-a i prenijeli pozitivna iskustva iz prakse a razgovaralo se i o mogućnosti prekogranične saradnje sa zemljama članicama EU koja je pokrenuta i finansinsirana od strane Evropske unije kroz program Creative Europe. Takođe, dobili smo odgovore na brojna pitanja u vezi sa njihovim projektima promocije autorskog rada, organizacijama autorskih festivala kao i projektu godišnje nagrade Porin. Na kraju zvaničnog dijela sastanka dogovoren je nastavak razgovora i uzvratna posjeta delegacije HDS-a našem udruženju u Sarajevu.



## Potpisan ugovor sa Ministarstvom kulture i sporta FBiH

Predsjednik UO AMUS-a Nedim Babović i federalni Ministar kulture i sporta Salmir Kaplan su, u okviru partnerskog projekta kandidature za uvrštenje sevdalinke na reprezentativnu svjetsku listu nematerijalne kulturne baštine UNESCO-a, potpisali ugovor o dodjeli bespovratnih sredstava AMUS-u u iznosu od 15.000 KM. Ova sredstva će biti



**BOSNA I HERCEGOVINA**  
Federacija Bosne i Hercegovine

Federalno ministarstvo kulture i sporta  
Federalno ministarstvo kulture i sporta  
Федерално министарство културе и спорта  
Federal Ministry of Culture and Sports

iskorištena za pripremu aplikacije prema UNESCO-u koja, između ostalog, obuhvata snimanje desetominutnog dokumentarnog filma u HD rezoluciji, izradu fotografija i obimnog pratećeg pisanog materijala. Takođe, u toku su i razgovori sa šefom odjela za kulturu pri Ministarstvu civilnih poslova BiH u okviru kojih ćemo predstaviti ovaj projekat i razgovarati o mogućnosti uključenja i ovog ministarstva u aktivnosti na ovom planu.

## **AMUS potpisao ugovore o zastupanju sa Kanadom i Rumunijom**

Nakon nedavno potpisanih ugovora sa asocijacijama za zaštitu autorskih prava u Gruziji, Armeniji i Moldaviji AMUS je otvorio saradnju i potpisao međunarodne ugovore o recipročnom zastupanju sa udruženjem kompozitora, autora i muzičkih izdavača **SOCAN** iz Kanade i udruženjem autora za muzička i mehanička prava iz Rumunije **UCMR-ADA**.



Kanadsku asocijaciju SOCAN je zastupao izvršni direktor Eric Baptiste koji je 12 godina bio na čelu Svjetske konfederacije udruženja autora CISAC i jedan je od vodećih svjetskih autoriteta u oblasti kolektivnog ostvarivanja autorskih prava u svijetu u posljednjih 20 godina. SOCAN kao prestižna organizacija ima oko 300 uposlenika koji uspješno vode 120.000 kanadskih autora, kompozitora i izdavača.

Također, ugovorom je uspostavljena i zaštita autora između rumunske kolektivne organizacije UCMR-ADA.

Radi se o standardnim ugovorima koji su dalji pravni osnov za razmjenu podataka i recipročnu zaštitu autorskih prava između udruženja autora zemalja potpisnica.